



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 26. Clemens Pontifex Maximus vita functus.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII.
A. C. 1721.

§. XXVI.

*Clemens Pontifex Maximus vita
functus.*

Dies erat decima nona Martii sancto sacra Josepho, quem sibi semper præcipuum assumpserat Patronum, atque in ejus die anniversaria mori exoptaverat, ejusque cultum novo officio ex S. Scripturæ locis concinnato in fidelium cordibus auxerat: Tum morbi violentia novis ardentis febris accessionibus tantopere ingravescebat, ut æger circa quartam ejusdem diei horam contentiosius laboriosiusque meatus trahens, tandem internecino totius halitus silentio placidissime animam Deo reddidisseprehenderetur. Vixerat annos septuaginta & unum, Menses septem, & viginti quinque dies. Pontificatum vero gessit viginti annis, tribus mensibus, totidemque Septimanis ac diebus. Numerantur duntaxat sex Pontifices, qui a Divi Petri ætate per plures annos ac Clemens Romanam Sedem tenuissent, solusque Urbanus VIII. in proximorum quinque sæculorum decursu vigesimum Pontificatus annum attigerat. Vespere sequentis diei ejus cadaver pollinctum a Quirinali Palatio in Vaticanam Basilicam illatum

Sæc. XVIII.
A. C. 1721. tum est, ubi post sacrum funebre a
Nicolaio supremo Eleemosynario Pon-
tificio peractum in Sacello SS. Sacra-
menti in solempni feretro exponebatur.
Ejus laudes nitidissima oratione Vin-
centius Lucchesinus Abbas vir pietate,
doctrina, editisque eruditissimis libris
inclytus celebrabat: Nec tamen Romæ
siluerunt mordaces linguæ ac calami:
quidam enim Pasquino hoc affixit epi-
taphium: *Hic jacet Unigenitus cum Pa-
tre*, alius ad fores Paoli Medici Pontificii
hæc verba adscripsit: *Liberatori Urbis &
Orbis.*

§. XXVII.

*Ejusdem Pontificis indoles & gesta
in Pontificatu.*

Hist. Univ.
t. 8. p. 856.
Noviss. rel.
Curie Rom.
p. 46. & seq.

Dum memorandis tanti Pontificis me-
ritis animum adjicio, vincit vir-
tutum copia sermonem, scientiæ uber-
tas calamum, & rite gestorum narratio
fidem. Erat Clemens paucis maximi
nominis Pontificibus ni æqualis, saltem
parum inferior, & quamplurimis pie-
tate, & virtutum decore superior, de
Ecclesia, & Republica Christiana adeo
bene meritus, morumque integritate
tam insignis, ut oculatissimi quique Argi
ac Censores non haberent, quod spe-
ctata sui ævi iniquitate merito repre-
hende-